



Republika e Kosovës
Republika Kosova – Republic of Kosovo

Agjencia e Kosovës për Akreditim
Agencija Kosova za Akreditaciju
Kosovo Accreditation Agency



Data: 20/06/2022 Ref.: 835/22

Në mbështetje të nenit 8 dhe 12 të Ligjit për Organizimin dhe Funkcionimin e Administratës Shtetërore dhe të Agjencive të Pavarura të Republikës së Kosovës Nr.06/L-113 (Gazeta Zyrtare Nr.07/01 mars 2019), Ligjit për Procedurën e Përgjithshme Administrative Nr. 05/L-31 (Gazeta Zyrtare Nr.20/12 Qershor 2016), Ligjit për Arsimin e Lartë në Republikën e Kosovës Nr. 04/L-037 (Gazeta Zyrtare Nr.14/9 Shtator 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Manualit për Akreditimin e Institucioneve të Arsimit të Lartë, dhe të Vendimit të KShC-së, nr. 3236/21D të datës 21.09.2021, Këshilli Shtetëror i Cilësisë (KShC), në mbledhjen e 98-të, të mbajtur me 13 dhe 23 maj 2022, mori:

V E N D I M

- I. Refuzohet kërkesa e Kolegjit Dardania Nr.441/22, datë 07.04.2022 për ri-akreditim të programeve të studimit:
 1. Përkujdesje dhe Mirëqenie Sociale, BA, 180 ECTS (Riakreditim);
 2. Psikologji Aplikative dhe Studime Menaxheriale, BA, 180 ECTS (Riakreditim);
 3. Administrim Publik, MA, 120 ECTS (Riakreditim).

II. Ky vendim hyn në fuqi me nënshkrimin e tij.

A R S Y E T I M

Kolegji Dardania ka parashtruar kërkesë Nr.441/22, datë 07.04.2022 pranë Agjencisë së Kosovës për Akreditim (AKA) për ri-akreditim të programeve të studimit: 1) Përkujdesje dhe Mirëqenie Sociale, BA, 180 ECTS (Riakreditim); 2. Psikologji Aplikative dhe Studime Menaxheriale, BA, 180 ECTS (Riakreditim); 3. Administrim Publik, MA, 120 ECTS (Riakreditim), 4. Shkenca Politike dhe Administrim Publik, 180 ECTS (Riakreditim).

Bazuar në pikën 1.2 të Nenit 10 të UA për Akreditim ku thuhet, "Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike së bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së", KShC në mbledhjen e mbajtur me datë 13 dhe 23 maj 2022 ka trajtuar aplikacionin e dorëzuar nga ky institucion.

Sipas të dhënave të prezantuara nga raporti përmbledhës për programet për të cilat ka aplikuar ky institucion dhe pas analizimit të detajuar të dokumentacionit të prezantuar për stafin akademik, ashtu siç parashihet me

Nenin 26, pika 5.3.4 e UA për Akreditim, dhe bazuar në Nenin 10, pika 1.3.2 të tij, KShC mori vendim për refuzim të aplikacionit për programet si në dispozitiv të këtij vendimi.

1. Për programin Përkujdesje dhe Mirëqenie Sociale, BA, 180 ECTS (Riakreditim), institucioni ka paraparë si bartës të programit: Selema Allamani Dushku (PhD në Punë Sociale), Rezak Jakupi (PhD në Sociologji), Lon Laska, (PhD në Shkenca Sociale, Psikologji-Pedagogji). Pas verifikimit të dokumentacionit ashtu siç është përcaktuar me Udhëzimin Administrativ 15/2018, KShC ka konstatuar se Rezak Jakupi dhe Lon Laska nuk i përkasin fushës së studimit të përkujdesjes dhe mirëqenies sociale. Bazuar në faktet e prezantuara me sipër dhe dispozitat ligjore të sqaruara me lartë, KShC vendosi që në mungesë të stafit adekuat, dhe bazuar në Nenin 26, pika 5.3.4 e Udhëzimit Administrativ për Akreditim të refuzojë aplikacionin për programin e studimit Përkujdesje dhe Mirëqenie Sociale, BA, 180 ECTS;
2. Për programin Psikologji Aplikative dhe Studime Menaxheriale, BA, 180 ECTS (Riakreditim), institucioni ka paraparë si bartës të programit: Mariela Lazi (PhD në Psikologji), Ferit Hysa (PhD në Shkenca Sociale – Psikologji-Pedagogji), Krenar Ahmeti (PhD në Psikologji), Albulena Kadriu dhe Ardian Retkoceri. Pas verifikimit të dokumentacionit ashtu siç është përcaktuar me Udhëzimin Administrativ 15/2018, KShC ka konstatuar se asnjë nga bartësit e programit Mariela Lazi, Ferit Hysa dhe Krenar Ahmeti nuk e mbulojnë fushën e Studimeve Menaxheriale, që përbën gjysmën e programit akademik, pasi të njëjtit janë vetëm nga fusha e Psikologjisë. Ndërsa që dy bartësit e tjerë Albulena Kadriu dhe Ardian Retkoceri nuk janë të deklaruar fare si staf akademik në Kolegjin Dardania. Bazuar në faktet e prezantuara me sipër dhe dispozitat ligjore të sqaruara me lartë, KShC vendosi që në mungesë të stafit adekuat, dhe bazuar në Nenin 26, pika 5.3.4 e Udhëzimit Administrativ për Akreditim të refuzojë aplikacionin për programin e studimit Përkujdesje dhe Mirëqenie Sociale, BA, 180 ECTS;
3. Për programin Administrim Publik, MA, 120 ECTS (Riakreditim), institucioni ka paraparë si bartës të programit: Arsim Dragaj (PhD në Siguri Nacionale), Llokman Mirtezani (PhD në Studime Evropiane për Integrim). Pas verifikimit të dokumentacionit ashtu siç është përcaktuar me Udhëzimin Administrativ 15/2018, KShC ka konstatuar se asnjëri nga bartësit e programit nuk i përkasin fushës së studimit të administrimit publik. Bazuar në faktet e prezantuara me sipër dhe dispozitat ligjore të sqaruara me lartë, KShC vendosi që në mungesë të stafit adekuat, dhe bazuar në Nenin 26, pika 5.3.4 e Udhëzimit Administrativ për Akreditim të refuzojë aplikacionin për programin e studimit Administrim Publik, BA, 180 ECTS;

Këshillë juridike: Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative. Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenit 128 të LPPA, në afatin prej 30 nga dita kur pala është njoftuar për aktin administrativ sipas nenit 127 të LPPA. Inicimi i konfliktit administrativ apo çfarëdo procedure tjetër administrative nuk e pengon ekzekutimin e këtij vendimi.

Vendimi iu dërgohet:

- Kolegjit Dardania;
- MASH-it;
- Arkivit të AKA-së.

Prof. Ass. Dr. Hasnija Ilazi
Kryetar i Këshillit Shtetëror të Cilësisë

